

## 2 JOHN

<sup>1</sup> Atha, kngarripata era, pepa nhanha wor-lamparinya rrakangkarrurna yairnama. Altjirra erarrpa rrangkarranha urraraka ekuriltja nitjika. Arai, yinga rrakangkarra nthur-rpa kangkama. Relha lenha ntjarra turta rrakangkarra kangkama, etnala angkatja nthur-rpa ekura kaltja namanga.

<sup>2</sup> Kristanha kunha angkatja nthurrrpa era nama. Era lyarta nurnakalela nama, kuta nitjina turta.

<sup>3</sup> Altjirra Kaartanha, 'Lira ekuranha Jesua Kristanha turta, nurnaka kutatha ngwanga, montja-montja, rilhera turta ntelalhama. Nhanha kala lakinha nama nurna angkatja nthurrrpa erinha wumanga, Altjirranha turta nurnaka kangkintja ntelalhamanga.

*Kuta kangkintja ntelalhitjika, angkatja nthurrrpa erinha turta tnyinitjika*

<sup>4</sup> Yinga arrkana kngarra naka atha wumalanga rrakangkarranga ntjarra arrpunha angkatja nthurrrpa ekura kangkwerramanga, Kaartalala nurnanha turnakala ngerra.

<sup>5</sup> Tjina ntjarrai, athantama rrangkarranha tjabatuma rrangkarra urlarrakurlarra kangkintja ntelalhitjika. Nhanha itja turnintja lyartinya nama. Etna kunha rrangkarranha lakinha turnakala, rrangkarra Kristanha tnakamalanga ngerra.

6 Iwunhantama nhanha nama Altjirra kangkitjika? Altjirra turnintja ntjarraka kangkwerritikakwia. Iwunhantama Altjirrala rrankarranha turnakala? Kristanha tnakamala ngerra rrankarra wuka era rrankarranha turnakala urlarrakurlarra kangkintja ntelalhitjika.

7 Rel orrtjaltha ntjarra lyarta alhala nama. Etna angkama Jesua Kristanha kula itja katjia intakala, mpurrkakarterrakala paka. Relha etnala lakinha angkama, etna orrtjerrama, etna turta Kristaka Leltja Kngarra nama.

8 Nurna urrkapuka rrankarranha angkatja nthurpa erinha kaltjinhitjika, rrankarra ngampakala etatha nitjinanga. Rrankarrantama aralhitjika rrankarra angkatja nthurpa erinha inatakitja, rrankarra turtantama itja ngampakala etatha nakitja.

9 Rrankarra kala angkatja nthurpa erinha wuka, Kristalala relha ntjarranha kaltjinhakala. Relha erala angkatja nhanha inatama, era Altjir-ranga mpakalhama. Kanha relha erala angkatja erinha kuta tnakama, era Kaartalela, 'Liralela turta kuta nyinterrakala nama.

10 Kaltjinthanhinhanha paka rrakangkar-rurna pitjimanga, erala itja angkatja nthurpa erinha kaltjinhama, rrankarra erinha itja tjinitjika. Kala unputjikanta.

11 Relha erala paala kaltjinthanhinhanha erinha tjinilama, era kala paala kaltjinthanhinhanha ekuralela porta korna ntelalhama.

12 Nuka gkatja intamantema rrankarranha

ilitjika. Yinga pula itja antja nama nhanha pepaka intalhelamala rrakangkarrurna yair-nitjika. Yinga antja nama rrakangkarrurna lhitjikatitja, nurna alkingatharra angkarritjinanga. Nurnantama ingkarraka arrkana nitjinanga.

<sup>13</sup> Tjina lamparinya rrakangkarranhala rrangkarranha anparnama.

**Altjirraka angkatja - Arrarnturna  
kngartiwukala  
The New Testament in the Western Arrarnta  
language of Australia**

copyright © 1997 Bible Society of Australia

Language: Western Arrarnta (Arrarnta, Western)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-05-14

---

PDF generated using Haiola and XeLaTeX on 18 Apr 2025 from source files dated 31 Aug 2023

e7dac67a-727e-547f-9edb-55e6c28bb3b9